



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWESIBINI OLONGEZELELWEYO (SAL)

IPHEPHA LOKUQALA (P1)

NOVEMBA 2012

GAUTENG

AMANQAKU: 120

IXESHA: 2½ iiyure

Olu viwo lunamaphepha ali-19.

IMIYALELO NENGACISO

1. Eli phepha lemibuzo linamaCANDELO AMANE angala:

ICANDELO A:	Uvavanyo lokuqonda	(30)
ICANDELO B:	Isishwankathelo	(10)
ICANDELO C:	Ulwimi	(60)
ICANDELO D:	Uncwadi	(20)
2. Funda YONKE imiyalelo ngononophelo.
3. Phendula YONKE imibuzo.
4. Bhala iCandelo NGALINYE kwiphepha ELITSHA.
5. Krwela umgca ekupheleni kweCandelo ngalinye.
6. Bhala iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
7. Shiya umgca emva kwempendulo nganye.
8. Bhala ngokucocekileyo nangokucacileyo.
9. Qwalasela upelo nolwakhiwo lwezivakalisi.

ICANDELO A: UVAVANYO LOKUQONDA

UMBUZO 1

ISICATSHULWA A

- 1.1 Funda esi sicatshulwa ngononophelo uze uphendule imibuzo elandelayo.

Uphethe irekhodi yokuba lufaf' olumadolo (yindoda ende kakhulu)!

UMHLATHI 1

UBao Xishun yeyona ndoda inde ehlabathini. UBao uneminyaka engama-55 kwaye ubude bakhe buyi-2.36m. Uyakwazi ukutshintsha iglowubhu yombane engakhwelanga situlweni. Ibhedhi yale ndoda iphantse yaziimitha ezintathu kwaye impahla eyinxibayo iyithungelwa bucala. Isuti eyanxitywa yile ndoda kumsitho we*Guinness Book of Records* yathungwa ngelaphu eliziimitha ezili-10!



UMHLATHI 2

UBao utshintsha iglowubhu

'Ekuqaleni ndandinqwenela ukufana nabanye abantu, kodwa ngoku ndiyazithanda ngoku ndingaka,' utshilo. Uthi wakhula njengabanye abantu de waneminyaka eli-16. Emva koko wakhula ngokukhawuleza waba mde kakhulu. Abanye abantu bakhula babe bade ngenxa yokugula kodwa ubude bukaBao Xishun 'bobendalo' ngokoluvo lwabaphandi be*Guinness World Records*.

UMHLATHI 3

Utata kaBao yamkhathaza into yokubona unyana wakhe ekhula ngokukhawuleza waza wamsa kwagqirha. Eselapho wabonwa ngumqeqeshi weqela le*basketball* wacelwa ukuba adlalele elo qela ngenxa yobude. UBao wakonwabela ukudlalela elo qela, kodwa waqala ukuba nengxaki yemilenze. Emva kweminyaka emithathu wayeka ukudlala *ibasketball* wabuyela kubazali bakhe.

UMHLATHI 4

UBao wakhetha ukuzihlalela kuba wayengafumani mfazi. Wakhathazeka kakhulu emva kokusweleka kukamama wakhe eneminyaka engama-40. Umama wakhe wayesoloko emthungela iimpahla, emcocela kwaye emenzela yonke into ayifunayo. Wazivalela waba yinkomo edla yodwa. Ngo-2004 umnini werestyu wamema uBao ukuba abe ngumamkeli wabathengi kangangeentsuku ezili-10. Ubukho bakhe batsalela abathengi abaninzi kule restyu. Wafakwa kwi*Guinness World Records* ngoJulayi ka-2005 kuba wayemogqitha uR. Charbib waseTunisia nge-0.2cm.

UMHLATHI 5

Nangona uBao edumile ehlabathini useyindoda ethobileyo: 'Ndifuna ukuphila ubomi obuqhelekileyo njengotata ngoku onama-94.' Unalo nebhinqa (intombi) ancuma nalo, nathemba ukuba uza kulitshata.

UBao uhamba nesithandwa sakhe



[Sikhutshwe kwiBona kaFebruwari 2007 saze sahlelwa]

JONGA KUMHLATHI 1

- 1.1.1 UBao Xishun uneminyaka emingaphi? (1)
- 1.1.2 Ubude bukaBao Xishun buyi-2.36m. Mde kakhulu. Khupha kwesi sicutshulwa isivakalisi esingqina oku. (1)
- 1.1.3 Yinyaniso okanye bubuxoki? UBao Xishun uyakwazi ukuzifumana iimpahla zakhe kuzo zonke iivenkile. Xhasa impendulo yakho. (2)

JONGA KUMHLATHI 2

- 1.1.4 Waqala nini uBao Xishun ukukhula ngokukhawuleza? (1)
- 1.1.5 Yinyaniso okanye bubuxoki? Obu bude bukaBao benziwa kukugula kwakhe. Xhasa impendulo yakho. (2)

JONGA KUMHLATHI 3

- 1.1.6 UBao Xishun udibene phi nomqeqeshi weqela lebasketball? (1)
- 1.1.7 Bekutheni ukuze umqeqeshi weqela lebasketball abonakalise umdla kuBao Xishun? (2)
- 1.1.8 UBao wadlala ibasketball iminyaka emingaphi? (1)
- 1.1.9 Waziva njani uBao Xishun ngokudlalela elo qela lebasketball? (1)
- 1.1.10 Chaza isizathu sokuba uBao ayeke ukudlala ibasketball. Wenze ntoni emva koko? (2)

JONGA KUMHLATHI 4

1.1.11 Umama kaBao wayesoloko emnceda njani? Nika zibe mbini. (2)

1.1.12 Sithetha ukuthini esi sivakalisi: 'Waba yinkomo edla yodwa?'
Khetha kwezi mpendulo zilandelayo:

A Wayengumntu othanda inkomo eyodwa.

B Wayengumntu othanda ukutya inyama yenkomo yodwa.

C Wayengumntu othanda ukuhlala nokwenza izinto yedwa. (1)

1.1.13 UBao wamnceda njani umnini werestyu? (1)

JONGA KUMHLATHI 5

1.1.14 Yinyaniso okanye bubuxoki? Utata kaBao Xishun usaphila. (1)

1.1.15 UBao yintoni enye ayinqwenelayo ebomini bakhe? (1)

ISICATSHULWA B: OKUBONWAYO

1.2 Jonga le khathuni, uze uphendule le mibuzo ilandelayo.



[Ikhutshwe kwiBona kaMeyi 2004 yaze yahlelwa]

JONGA KWIBHLOKO 2

- 1.2.1 Leliphi eli lizwe ebendwendwele kulo uShoti? (1)

JONGA KWIBHLOKO 3 KUNYE NEBHLOKO 4

- 1.2.2 UShoti uthi bammangalise njani abantu baseChina? (1)

JONGA KWIBHLOKO 5

- 1.2.3 UShoti ucela uncedo eMajiteni. Nika amagama aMajita amabini avelileyo kwibhloko yesi-5. (2)

JONGA KWIBHLOKO 5 KUNYE NEBHLOKO 6

- 1.2.4 Yintoni le ifunwa nguShoti kula Majita? (1)

- 1.2.5 UShoti uza kwenza ntoni ngale nto ayifuna eMajiteni? (2)

JONGA KWIBHLOKO 7

- 1.2.6 Ingaba le nto icelwa nguShoti iwonwabisile okanye iwacaphukisile (iwenze umsindo) aMajita? Xhasa impendulo yakho. (2)

- 1.2.7 Ngokoluvo lukaShoti, zinjani iinkawu zaseMzantsi? (1)

AMANQAKU ECANDELO A: 30

ICANDELO B: ISISHWANKATHELO

UMBUZO 2

Funda esi sicutshulwa uze usishwankathele.

1. Bhala izivakalisi ezisixhenxe okanye umhlathi onezivakalisi ezisixhenxe uthethe ngeengcebiso eziluncedo kuhambo olude ngololiwe. Isivakalisi ngasinye kwezi zisixhenxe masiquke icebiso (icebo) elinye malunga nokuthatha uhambo olude ngololiwe. Yenza ezakho izivakalisi ungakopi ngqo. (7)
2. Sebenzisa ulwimi olwamkelekileyo uze ushwankathele ngamagama angadlulanga kuma-50. Bhala inani lamagama owasebenzisileyo. (3)

IINGCEBISO EZILUNCEDO KUHAMBO OLUDE NGOLOLIWE



Okokuqala: Fumana umntu omthembileyo

Phambi kokuba uthathe uhambo ngololiwe kufuneka ufumane umntu oza kugcina indlu yakho ngeli xesha uza kuba ungekho ekhaya. Lo mntu angagcina nezilwanyana zakho zasekhaya njengenja, intaka okanye ikati. Uze unike lo mntu inombolo yakho yeselulafowuni ukuze akufowunele xa kunokubakho ingxaki ekhaya.

Okwesibini: Amatikiti ohambo

Kubalulekile ukuba ubhukishe kwangethuba amatikiti kaloliwe kuba baninzi abantu abathatha uhambo olude ngololiwe. Ukubhukisha kwangethuba kungakunceda ufumane lula udidi lwamatikiti olufunayo.

Okwesithathu: Ukufika esitishini

Cela umhlobo okanye umqhubi weteksi akuse esitishini phambi kwexesha ukuze ube nexesha lokufumana amatikiti nokulayisha impahla yakho ungangxamanga. Akumnandanga ukufika emva kwexesha kuba ungashiywa ngololiwe.

Okwesine: Indawo yokulindela uloliwe

Khumbula ukuba kungayingozi ukuhlala kufuphi neplatifomu kaloliwe ngeli lixa usalindileyo. Ngamanye amaxesha kukho amasela nootsotsi abathanda ukuhlutha iingxowa zabantu eplatifomini. Maninzi amagumbi okulinda kwizitishi zikaloliwe kwaye akhuselekile. Sebenzisa wona ke.

Okwesihlanu: Ikhompathimenti

Kumnandi ukuba usapho lwakho lube nekhompathimenti oluza kulala kuyo. Kubalulekile ukuba uyitshixe ikhompathimenti nakulala ebusuku ukuze kungabikho mntu unokungena nilele. Impahla yakho iza kuhlala ikhuselekile ukuba wenza njalo.

Okwesithandathu: Umntu unokutya ntoni kuloliwe?

Abahambi ngololiwe bayakwazi ukuthenga ukutya kwikhareji elithengisa ukutya kodwa ngamanye amaxesha ukutya okuthengiswa khona akukho semgangathweni. Khumbula ukuhamba nomphako okukutya okuthandwa lusapho lwakho.

Okwesixhenxe: Wakufika kwindawo oza kuhlala kuyo

Kubalulekile ukwenza amalungiselelo okuba kubekho umntu oza kukulanda esitishini sikaloliwe akuse kwindawo oya kuyo. Kufuneka ube nayo inombolo yefowuni yalo mntu ukuze umazise ngexesha aza kufika ngalo uloliwe.



AMANQAKU ECANDELO B: 10

ICANDELO C: ULWIMI

UMBUZO 3

3.1 Lungisa amagama akrwelelwe umgca ngaphantsi.

Ngenye imini intombi iye ezivenkileni ngenjongo ukuthenga (3.1.1) ilokhwe intsha (3.1.2). Ibone ilokhwe entle yabuza unovenkile ngexabiso layo. Intombi ivula (3.1.3) isipaji yanika unovenkile imali. Intombi ibulele kunovenkile unobubele (3.1.4). Bonke abantu bebeyithanda ilokhwe lentombi (3.1.5). (5)

3.2 Bhala isikhombisi esihambelana nesivakalisi ngasinye kwezi zilandelayo. Khetha igama elifanelekileyo kula magama asebhokisini engezantsi.

KHETHA KWEZI:

A	aba	B	ezi
C	la	D	Lo
E	Obo	F	Olu
G	eso	H	Oku

3.2.1 ... makhulu uyasanceda. (1)

3.2.2 ... buhlanti bukhulu nyhani. (1)

3.2.3 Andikhange ndisitye ... sidudu. (1)

3.2.4 ... sana luthandainja. (1)

3.2.5 Utata akasoze athenge ... mahashe. (1)

3.3 Bhala ezi zivakalisi kwisinye.

Umzekelo: Abantwana babhala uvavanyo lwesiXhosa.

Impendulo: Umntwana ubhala uvavanyo lwesiXhosa. ✓

3.3.1 Izinja ziyasikhusela. (1)

3.3.2 Iminenga iyatya. (1)

3.3.3 Oomalume bacula kamnandi. (1)

- 3.4 Yenza imibuzo eza kuhamba nezi mpendulo zilandelayo. Sebenzisa amagama akrwelelwe umgca ngaphantsi kwimibuzo yakho.

Umzekelo: Igama lam nguThandeka.

Impendulo: Ungubani igama lakho? ✓

- 3.4.1 Ifani yam nguShabalala. (1)
- 3.4.2 Sivela eMpuma Koloni. (1)
- 3.4.3 Le ntombi ifunda kwibanga leshumi. (1)
- 3.4.4 Imoto kamama inkulu. (1)
- 3.4.5 Ndidlala isoka ngoLwesibini. (1)

- 3.5 Tshatisa izivakalisi ezikuKHOLAM A nezivakalisi ezikuKHOLAM B. Bhala inombolo kunye nonobumba (A–E) ofanelekileyo.

KHOLAM A		KHOLAM B	
3.5.1	Ndingasula ifestile, mhlekazi?	A	Bhuti, ingathi kum afuna umoya.
3.5.2	Anjani ke amavili akho?	B	Ndicela yona eyikhilogram.
3.5.3	Eli qatha lenyama liyimalini?	C	Hayi, zicocekile, enkosi.
3.5.4	Ufuna ingxowa engakanani?	D	Liyi-R50.
3.5.5	Ube nemini emnandi.	E	Nawe, usale kakuhle.

(5 x 1) (5)

- 3.6 Cwangcisa la magama ngokulandelelana njengokuba uza kuwafumana kwidikshinari (kwisichazi-magama) yesiXhosa.

Umzekelo: ilitye, umzali, umakazi, isikolo, -baleka

Impendulo: (i) -baleka
(ii) (isi)kolo
(iii) (u)makazi
(iv) (ili)tye
(v) (um)zali

Umfazi, ubawomkhulu, isidudu, ubisi, isiduko (5)

3.7 Bhala ezi zivakalisi zibe kwixesha elibhalwe kwizibiyeli ecaleni kwesivakalisi ngasinye kwezi zilandelayo.

3.7.1 UNomsa ubasa umlilo namhlanje. (ixesha elizayo) (1)

3.7.2 lindwendwe zafika. (ixesha elidlulileyo) (1)

3.7.3 Abafundi babaliselwe intsomi ngumakhulu. (ixesha ebelidlula) (1)

3.7.4 lhashe liza kubaleka elwandle. (ixesha elalidlula) (1)

3.7.5 UFezeka uyafunda. (ixesha eladlulayo) (1)

3.8 Jonga iinkqubo eziza kusasazwa kwiSABC 1 kunye neSABC 2 uphendule imibuzo.

	SABC 1 ULWESITHATHU NOVEMBA 14 2012		SABC 2 ULWESITHATHU NOVEMBA 14 2012
17:30	lindaba: Siswati/Ndebele	17:30	lindaba: Tsonga/Venda
18:00	UJozi – Moving the City	18:00	U-Ngula YaVutivi
18:30	U-The Bold and the Beautiful	18:30	U-7de Laan: UKabalo uye kulungisa iinwele esaluni kodwa le nto ayimonwabisi uZinzi. UVince noBonitha babuyile kwiholide yabo yomtshato.
19:00	U-Real Goboza		
19:30	lindaba: Xhosa	19:00	lindaba: IsiAfrikaans.
20:00	U-Generations: UKhethiwe wothuswa yinto ayinikwa nguRuby.	19:30	U-Riemvasmaak
20:30	U-Soul City	20:30	lindaba: Sotho/Setswana/Sepedi
21:00	U-My World	21:00	U-Muvhango: UKK woyika ukuya entolongweni ukanti uRanthumeng akakwazi kukhetha phakathi kukaAgnes noMeiki.
22:00	U-The Unit		
23:00	U-In Your Defence	21:30	U-Powerball: Umboniso wokungcakaza
00:00	U-Judge Joe Brown	21:34	UKenako
00:30	U-Music Lounge	22:00	Ezemidlalo

3.8.1 lindaba zesiXhosa ziza kusasazwa ngabani ixesha ngoLwesithathu? (1)

3.8.2 lindaba zesiAfrikaans zisasazwa kweyiphi itshaneli kuSABC? (1)

3.8.3 Umntu othanda imidlalo angayibukela nini? (1)

3.8.4 Yeyiphi inkqubo eza kuboniswa phambi kukaThe Bold and the Beautiful kuSABC 1? (1)

3.8.5 Inkqubo uSoul City iza kuthatha imizuzu emingaphi? (1)

3.8.6 lindaba eziboniswa kuSABC 2 ngo-20:30 zilandelwa yeyiphi inkqubo? (1)

3.9 Jonga kulo mzekelo uze uphendule umbuzo olandelayo.

Umzekelo: 'Sithanda ukutya okumnandi,' batshilo abantwana.

Impendulo: Abantwana bathe ✓ bathanda ukutya okumnandi. ✓

3.9.1 'Ndiza kutyala imifuno apha,' utshilo uLulamile. (2)

3.9.2 'Ndifuna ukuthenga inyama evenkileni,' itshilo intombi. (2)

3.10 Khetha amagama afanelekileyo kwibhokisi engezantsi uzalise izikhewu kwisivakalisi ngasinye.

3.10.1 Umfundi ogezayo obekhwele phezu kwetafile utyibilike wawa. Utitshala akamsizeli, uthe ..., mfundi! (1)

3.10.2 Umfundi ugilwe ngomnye umfundi epasejini. Umfundi ucela uxolo athi ...! Khange ndikubone. (1)

Ungafi torho!	Tshotsho!	Gqi!	Kuhle!
---------------	-----------	------	--------

4.1 Yakha izibizo ngokusebenzisa ezi zenzi zilandelayo.

Umzekelo: -dlala = umdlalo/umdlali/imidlalo/abadlali. ✓

4.1.1 -zoba (1)

4.1.2 -phendula (1)

4.1.3 -thetha (1)

4.2 Bhala igama elikwizibiyeli kwezi zivakalisi zilandelayo libe kwisalathandawo. Bhala igama kuphela.

Umzekelo: Intombi ihamba ngeenyawo (igadi).

Impendulo: egadini. ✓

4.2.1 Imbongi ifike kakuhle (isikolo) sethu. (1)

4.2.2 Siza kudibana (indlela). (1)

4.2.3 Isela likhwele (uphahla) lwethu. (1)

4.3 Phinda ubhale ezi zivakalisi zibe kwimo elandulayo.

Umzekelo: Inja yam iluma abantu.


Impendulo: Inja yam ayilumi bantu. ✓

4.3.1 Ijaji ithethile. (1)

4.3.2 Iintombi bezixhentsa epatini. (1)

4.3.3 Umalume wacula kakuhle. (2)

4.4 Jonga kule mifanekiso ufunde izivakalisi. Khetha ibhokisi ehambelana nesivakalisi ngasinye. Bhala inombolo kuphela.



4.4.1 Inkwenkwe inde kunentombi kodwa imfutshane kunotata. (1)

4.4.2 Inkwenkwe notata bayalingana ngobude kodwa bade kunentombi. (1)

4.4.3 Inkwenkwe inde kakhulu kunabanye ababini. (1)

4.5 Jonga kwezi zaziso ubhale umyalelo ohambelana nesaziso ngasinye.

Umzekelo:



Impendulo: Lahla inkunkuma emgqomeni! ✓

4.5.1



(1)

4.5.2



(1)

AMANQAKU ECANDELO C: 60

ICANDELO D: UNCWADI

IMIYALELO NENGCACISO

- Khetha incwadi ENYE kuphela uze uphendule imibuzo yale ncwadi uyikhethileyo.
- Ukuba ukhetha *IMBADU* uze uphendule UMBUZO 5.
- Ukuba ukhetha *uSASINONCWADI KWATANCI* uze uphendule UMBUZO 6.

UMBUZO 5: IMBADU – GB Sinxo

Kugula othandayo

5.1 Funda esi sicutshulwa uze uphendule imibuzo elandelayo.

Sonke sasihamba isikolo sangokuhlwa. Sasisaqalisa sonke, kungekho namnye kuthi ekungathiwa selenento ayaziyo. Kaloku isikolo eso sasineveki kuphela siqalisiwe. Kwakungathi ke kuthe kanti kukho phakathi kwethu oselekwazi ukufunda o 'A' abe ngoyena wayeyiphiwe ngokungaqhelekileyo ingqondo. Kodwa noko sasisesemva kunjalo, loo nto ayizange imnqande uSoligoso Mpayipheli ukuba angazicingeli.

USoligoso wayenganele kuba netwebe-twebe nje kuphela, kodwa wayengoyena mntu ugqithisileyo ukuthanda izinto eziphakamileyo. Wayenxiba iimpahla ezimabala-bala, iikawusi ezikubiza ukude, kwanamaqhina anjalo, atsho ke umf'omkhulu ngeebleyiza ezingqoqo nangaphezu kwamaqwarhashe.

Ngenye imini le twebe yakhe yamfaka kweyona nkathazo inkulu. Baxabana noFephiwe kaMdedlana, waza uMdedlana wamtyityimbisela umnwe, emsongela ngezisongelo ezoyikekayo. UMdedlana wayelixhwele eloyikwa kunene, sazala luloyiko olukhulu sonke ke ngoko, singayazi into engasuka imhlele nangaliphi na ixesha uSoligoso olwimi lude.

Kwakukho imbali esasiyikhumbula, mini uMdedlana lo waxatyaniswa yenye intombazana. Wayisongela, kwathi kungadlulanga ziintsuku zininzi, sabona ngaloo ntombazana seyileliya libotshelwayo igeza.

- 5.1.1 Sasingena ngaliphi ixesha isikolo ekwakufunda kuso uSoligoso? (1)
- 5.1.2 Abafundi besi sikolo babenexesha elingakanani beqalile ukufunda kuso? (1)
- 5.1.3 Ingaba ukhona owayekwazi ukubhala kubafundi? Xhasa impendulo yakho ngokucaphula kwisicutshulwa. (2)
- 5.1.4 Xa kusithiwa uSoligoso wayezicingela kuthethwa ukuthini? Khetha impendulo echanekileyo kwezi zingezantsi. (1)
- (a) Wayesoloko ecinga ehleli yedwa.
- (b) Wayenosizi ngabanye abantu.
- (c) Wayecinga ukuba ungcono kunabanye abantu.

- 5.1.5 Umntu onetwebe-twebe sukube ethanda ukwenza ntoni? (1)
- 5.1.6 Waxabana nabani uSoligoso? (1)
- 5.1.7 Xa umntu ekutyityimbisela umnwe wenziwa kukucaphuka okanye kukoyika? (1)
- 5.1.8 Saba yintoni isiphelo sentombazana eyayixabene noMdedlana? (1)
- 5.1.9 Yinyaniso okanye bubuxoki ukuba kwathi kanti uSoligoso uguliswa ziinkolo? (1)

Mhla boyisakala

- 5.2 Funda esi sicutshulwa uze uphendule imibuzo elandelayo.

Kwakumi ngoku ipoma lendlu yetyalike, eso sikolo sasiqale ngenqugwala elintsika zisibhozo sesinezindlu ezingoorontawuli abasibhozo, bengqonge loo nzwakazi yetyalike. Ngezo ntsuku umfundisi lo wayeyinto yonke – eyititshala, engumongameli, ekwangumhloli norhulumente, yonke loo nto. Ngoku isikolo eso sasineetitshala ezisibhozo, zilithoba ngengqonyela enkulu eyaziwa kunene ngobuchopho.

Njengesiko lokuhamba kwezinto, ngokunje abo bantwana wayebafundisa beziimveku yayingabo abantu abakhulu, ingabo abemi besixeko. Kungoku yena umpriste lo wayeselemdala, ephethwe kanobom sisifo senkoliso yamaxhego, isifo sokuyithiya yonke into entsha engazange yenziwa ngamanyange. Amadodana nabafazi bawo ayeselebuya ezidolophini ngoku kwanabantwana babo. Bonke ke bebebuya apho beyikroble impucuko, beze ke nezinto ezininzi abathi bona zezenkqubela, zibe kodwa zona zihlambisa intliziyo exhegweni. Laliqalekisa lingayeki lakubona abafazi betsho ngeelokhwe ezimi emadolweni, izinto ezo kuye ezazimanyumnyezi nangaphezu kwezinto zobuhedeni, athi akubona khona intswela-ntlonelo yabo kwezetyalike izinto afune ukugeza.

Hayi, zona iititshala zeli xesha wayengenako ukuzinyamezela. 'Khawufane ucinge izinto ezithi ukuzibiza ziziititshala, zize kuloo nto yonke zingayikhuthaleli ityalike nezinto zayo!' Xa izinto zimi ngolu hlobo, wonke ubani uya kuqonda ukuba yayinokuba ncinane kakhulu indawo yovano. Kwenzeka ke ukuba kunyebelezele kancinane intiyano phakathi kompriste nebandla, eyada yakhula yaba yinto ngobunto bayo.

- 5.2.1 Chonga kwesi sicutshulwa umsebenzi ube mnye kweyayisenziwa ngumfundisi uThwalindwe elalini. (1)
- 5.2.2 Sesiphi isifo samaxhego esikhankanyiweyo kwesi sicutshulwa? (2)
- 5.2.3 Yintoni eyayixabanisa umfundisi nabantu ababuya ezidolophini? (2)
- 5.2.4 Kutheni umbhali esithi ityalike yinzwakazi? (1)

- 5.2.5 Babebangaphi ootitshala besi sikolo behlangene neNqununu? (1)
- 5.2.6 Ingaba izinto ezihlambisa intliziyo zizinto ezinjani? Khetha impendulo echanekileyo kwezi: (1)
- (a) Zenza ukuba ufune ukutya kakhulu.
 - (b) Zenza ukuba ube nesicaphucaphu ungafuni nanye into.
 - (c) Zenza ukuba intliziyo ibethe kakhulu.
- 5.2.7 Sesiphi isinxibo elalisibona simanyumnyezi ixhego kwaye lisiqalekisa? (1)
- 5.2.8 Yintoni eyayisenziwa ziititshala elalingakwazi ukuyinyamezela ixhego? (1)
- [20]**

OKANYE

UMBUZO 6: SASINONCWADI KWATANGI – SC Satyo

- 6.1 Phendula le mibuzo ilandelayo.
- 6.1.1 Khetha igama elingenanto yakwenza noncwadi lwemveli kula? (1)
- A Iziduko.
 - B Iingoma.
 - C Idrama.
- 6.1.2 Ucinga ukuba kutheni iintsomi zibaliswa ebusuku nje? (1)
- 6.1.3 Ngubani umntu odumileyo ekubaliseni iintsomi? (1)
- 6.1.4 Sombulula aba qashi-qashi balandelayo: (1)
- A Ndinabantu bam bayandinceda xa ndiphakamisa izinto phantsi.
 - B Ndinahashe lam alinakuphala lingenamsila.
 - C Ndinanyoka yam inde, ikhupha abantu ngeembambo.
- 6.1.5 Yakha isaci/iqhalo ngala magama alandelayo. (1)
- A Ingwe
 - B Imbovane
 - C Inkukhu
- 6.1.6 Xela umsebenzi ube MNYE weentsomi. (1)

6.2 Funda le ntsomi uze uphendule imibuzo elandelayo.

Intombazana nesigebenga

Kwathi ke kaloku ngantsomi, kwakho umama owayehlala nentombazana yakhe kwilali eyayikude kufuphi nehlathi elikhulu. Lo mama wayesoloko emyala lo mntwana wakhe esithi angabokudlala kude kutshone ilanga phaya ngasehlathini. Abantwana babethanda ukudlala kufutshane nenyele yehlathi. Ngenye imini le ntwazana yayidlala nabahlobo bayo phaya ngasenyeleni yehlathi. Badlala, badlala, badlala, badlala, lade latshona ilanga. Yathi le ntwazana kubalingane bayo: 'Yhu! Masambeni ngokw'apha sigoduke. Wayethe umama singabodlala kule ndawo lide litshone ilanga'. Zahamba kwangoko ke ezi ntwazana, zihamba ngokugejeza ukugoduka. Bathe besahamba njalo yathi le ntwazana koowayo aba: 'Yhu? Thiza, zintombi! Ndilibele iqhiya kamama kulaa ndawo besidlala kuyo. Ndikhapheni mabethunana, siye kuyithatha.' Bathi abanye: 'Hayi, jika wedwa wethu; thina siza kungxoliswa emakhaya xa sifike sekumnyama.'

Hayi ke, wajika yedwa esiya kulaa ndawo bebedlala kuyo. Wayehamba ngokubaleka emana ebheka-bheka kukoyika. Wayesoyika kuba kwakumnyama ehamba yedwa, esoyika nokuba wayeza kubethwa ngunina ukufika kwakhe ekhaya. Wahamba, wahamba, wahamba wada waya kufika. Uthe xa afikayo wabona kukho umntu omkhu-u-u-u-ulu ohleli kulaa ndawo bebedlala kuyo. Woyika mpela ngoku, wangcangcazela, efuna nokubaleka. Wathi esangcangcazela njalo, ekhohlwe yemakayenze, weva loo mntu ethetha ngelizwi elikhulu, elirhwexayo esithi: 'Ungumtakabani? Ufuna ntoni endaweni yam? Akwazi ukuba yindawo yam le, andifuni bantwana apha?' Waphendula ngelizwi elingcangcazelayo wathi: 'Ndi-ndi-ndi-, be-be-be-bendizo-khangela iqhiya ka-ka-ka-ka-ma-ma-ma-ma ebendi-ndi-ndi-yi-yi-yi-yi-li-li-libele a-a-a-a-apha-apha.' Kwathi kanti loo mntu sisigebenga esitya abantu esibabambe ngobusuku. Sathi kuye: 'Ina, nantsi!' Satsho sisolula isandla simnika. Wavuya kakhulu, watsho wabukhululeka nasebusweni. Wasondela, wolula isandla, eza kuthatha iqhiya kanina. Wathi xa esakhamluka ukuvula umlomo, eza kuthi, :Enkosi, tamkhulu:, Satsho simfaka engxoweni, sayiqamangela yaqina nkqi, samphosa egxeni, sev'endleleni.

- 6.2.1 Wawusithini umyalezo owawunikwe intombi ngumama wayo? (2)
- 6.2.2 Yalibala ntoni intombi kulaa ndawo babedlala kuyo? (1)
- 6.2.3 Kwakuxesha lini xa intombi ijika isiya kuphuthuma le nto yayiyilibele? (1)
- 6.2.4 Kutheni abahlobo bakhe bengafuni ukujika naye? (1)
- 6.2.5 Intombi yafika kukho bani kule ndawo bebedlala kuyo? (1)
- 6.2.6 Kwenzeka ntoni kule ntombazana? (1)
- 6.2.7 Nika intsingiselo yeli binzana nelithatyathwe kwesi sicutshulwa, 'Sev' endleleni.' (1)

- 6.2.8 Umntu ohamba ngokugejeza ingaba sukube ecotha okanye ekhawuleza? (1)
- 6.2.9 Yenza msebenzi mni le ntsomi? Khetha kule ilandelayo.
- A Isombulula isishiqi sendalo.
- B Iyafundisa, inokuyala.
- C Iyonwabisa. (1)
- [20]**

AMANQAKU ECANDELO D: 20
AMANQAKU EWONKE: 120